

Якстерь гасгун

САРАНСКИЙ
Домтрель. Выходит



ЯКСТЕРЬ ГАЛСТУК

(Красный галстук)
ЖУРНАЛСЬ
Лисенди 7-це кизось

6-7-це №
ИЮНЬ
ИЮЛЬ
1939 к.

Школьник и школьничка эрь
ковия лисенди журнал.
ПОЛДАЙНЗА: ВЛКСМ-нь
Мордовский обкомсь и
МАССР-нь НКП-сь

Ответ. редакторсь Н. ТИШКИН
Лит. редакторсь Г. ПЬЯНЗИН


НОМЕРСА СЪОРМАТО:

Иижикс Горькийть ширеса	1
Геройхне сявфт эряфста	3
А. И крылов.—Тумоть ала Туувось	5
Ватракшсь и бкась	6
Мартышкась и очкатне	7
Вирьгазсь и Катось	8
Лебедсь, Щукась и Ракась	10
Синь казьфт высокаяй награда	11
С. Нариньяни—Лофтана шама брат	14
Я. Пинясов—Майста	18
Е. Гусев—Лугаса	19
М. Капков—Паксяса	20
И. Чигодайкини—Сестразе	21
Я. Пинясов—Йомла Челюскинецт	22
В. Волков—Петянь геройствац	26
Григорьев—Опытнай переса	27
Тонадомс правильнайста уема	31
Я. Пинясов—Сембе мази	33
Налхкседа городокса	34
Партниха нармонть колга	35
Пизоня сельгста	35
Купер-Школьная акрабатическая кружоккенди лезксонди	35

Сдано в производство 25 мая 1939 г., подписано к печати 13 сентября 1939 г.

Формат бумаги 72×105¹/₁₆. Объем 3 п. л. Упомя. Главынт В—51. Тираж 780. Заказ 3358.

г. Саранск, тип. „Красный Октябрь“.



Инжикс Горький ширеса



Кельгома шабат! минь иркутский 13 пионерхнень,—„База курносых“ книгать авторонзон, 1934-це кизоня каземазь писателень Всесоюзнай Васенце с'езду поездкаса.

Нинге васенцеда минь нйськ Горькийть с'ездонь заседанияста. Сон ащесь председательский вастса, эсь прямоугольной лафтувонзон мархта, и аф пяк кяжиста гайфнезе пайгонять.

Заседанияда меле Алексей Максимович сась минь ваксозонк, и внимательнайста ваномок, азозе:

— Нять тинь, курносайхне? А ну-ка няфтесть шалхконтень, сьормав шейтання!

Корхтамс тейне изь сав, но минь йоткстонк кажнайти ахоталь азомс мезе нибудь Алексей Максимовичти. А сон виноватайста ванондсь лангозонк, и голубой сельмостонза ляценсть пеечнемань цятконят.

— Ну, курносики, сада августь 25-це шистонза монь ширен—куду, уш тоса минь корхтатама,—азозе сон, пращамок минь мархтонк, люпшнезень кяденьконь.

И вов минь, молеме Малый Никитский 6, Горькийть шири. Комнатать кувалмода кувалмос путф моркш, конань лангса всякой сласть и фруктат.

— Ну, шабат, озседа, тяда визде! Алексей Максимович озась сонцке, шутендась и цебярьста

ванць аф пяк кепотьф сельме ширьхконзон алда. Сон кизефнемазь минь, штоба азондолеськ эсь эряфоньконь, и штоба минь морфтолеськ тейнза эсь стихоньконь.

Минь кизефнеск Алексей Максимовичень, штоба сон азондолыхце эсь эряфонц.

— Йолмакс мон эрянь Волгать маласа,—азозе сон.—Минцонк тоса ульцягне куцихть пандс, синь лангсост фонарьхть. Пандть пряста йордат кевняса фонарьт лангс—сон дзинь и колавсь.

Фкя пингова, монь кундамань фкя рабочей и азондозе, конашкава стака трудса тиеви клянцексь, ся клянцексь, конань тяшкава тѣждяста колсине, колендемга. Ся пингста сявомок мон аф тапсян фонарьхть,—аделазе Горький.

Инь мелкай подробностенек суvasь минь памятезонк тя шись. Сяшкава цебярь, проста ульсь тоса, кода мярьгат эсь кудсонк, Иркутскийса, эсь шаба ялганконь—пионерхнень йоткса.

Горький сязозе „В людях“, книганц письменнай моркшть лангста и сьормадозе сонь Соняти. Тоса, пейдемпацк макссь тяфтама книга кажнайти.

Кода тяни, ащихть сельминголе сонь доброй пейдемац, очканзон вельфке м чуть боку шарфтф сонь доброй, голубой сельме ванфоц.

Омбоце шиня минь молеме Гор-
кав Горькийть шири.

Комнатась пяхкодсь шабань вай-
гяльда. Сембода пях довольнайкс
ульсь Алексей Максимович. Минь
эздонк кинь нибудь лангс ваномок,
сон восторженнайста кулхцондсь,
кепсезень сельмеширьхконзон и,
кода бди ронгонек подавался ин-
голи.

Горький ащесь озаф шабатнень
кучкас и кажнаить мяляцель озамс
сяда сонь малазонза, ваномс сонь доб-
рай шамазонза, штоба мяляфтомс
марнек эряфоньконь пингс минь,

ве ликай другоньконь образонц.

Ульсь ни поздна, и прашамок,
азсь обещание, сьормадомс, и минь
туме Сибири.

Пращама пингста Алексей Макси-
мович тейнек аззе.

— Эряда дружнаяста, шабат,
кельгода фкя-фкянь, тонафне-
да сьормадома станя, штоба
эрь валонте мораль и пиндолдоль.

Аня хороших, иностранай кялень
институтонь студентка.

Соня Животовская, Плехановть
лемса институтонь студентка.



ГЕРОЙХНЕ СЯВФТ ЭРЯФСТА

Советскаяй Союзть сембе ширь-денза шабатнень эзда мон полу-чакшнян пяк лама сьормат. Синь фкакс кизефнесамазь, штоба мон тейст азондолине эсь эряфозень, сянь колга, кода Алексей Максимович Горький сьормадозе „Мать“ повестенц.

Сембе сьорматненди ответонь максомс монь аш пингозе: вов тянь инкса и арьсине мон тя статьять печатламс „Пионерскаяй правда“, газетаса. Надьян, што сонь эздонза тинь мутада ответт сембе эсь кизефксонтнень лангс.

Алексей Максимович Горький „Мать“ повестенцты геройхнень сявондезень эряфста. Тянкас и синь стяхшнихть сельминголи сяшкава яркайста и живста. Но Горький аф проста аныцек тиендсь капированья ломаттнень эзда, а сон максесь тейст лама революционеронь типичнай чертат.

Монь тядезе—Анна Кириловна Заломова—и мон, араме Горькийть геройнзонды—Ниловнати и Павел Власовти прообразкс. Монь тяязень сембе эряфоц ульсь максф народти. Кулось сон йотай кизонь март ковста Горький ошса.

Аф лама вал азан мон семьязень и эсь колган. Эрян мон эсь семьязень мархта Сужда ошень пригороднай слободаса. Монь

рвяязе преподает педагогическаяй училищаса историять. Сон тожа ВКП(б)-нь член. 1901 и 1902-це кизотнень пингста сон эрясь Сормовть эзда 8 километрань расстоянияшка вастса, преподавал сон Канавинскаяй прогимназияса немецкаяй кяльть и вятсь руководства Сормовса и Починки велеса рабочань Марксистскаяй кружокнень лангса.

Горькийть мархта васечнемась тейне мзярдонга аф юкстави. Монь йорамазь познакомить сонь мархтонза нинге 1900 кизоня. Но эста мон атказань, сяс мес пелень тейнза вредонь тиемать эзда. Монь мельган пяк кемоста ванць эста полициясь. Мзярда мон улень арестовандаф и сьолгф одиночной камерав, Горький, лична монь апак содак, эрь шиня монь тяязень вельде кучссесь обед. Сон кочкась ярмакт, штоба тейне и монь ялганенди рамамс лямбе одёжат, эста мзярда минь панемазь Сибири вечнай ссылкас.


Эрь ковня тов кучсекшнесь тейнек ярмакт. Синь пяк кондястсть, мзярда минь 1905-це кизоня ссылкаста ворьгодеме.

Сяка жа кизоня мон познакомондань Алексей Максимович Горькийть мархта Финляндияса сонь эсь

дачасонза. Эста сон монь валнень ять колга, Сормовса первомай-
 эзда сьормадозе монь зряфозень, ский демонстрациять колга.
 сьормадсь монь семьязень, тядязень Тя и сонь—„Мать“ замечательнай
 и алязень колга, Сормовский повестенцы, арась материалкс.
 марксистский рабочий организаци- **Петр Андреевич Заломов.**



„Мон эрь пингова, аюкан Рабоче-Крестьянский Правительствать прика-
 зонц коряс выступить эсь родиназень—Советский Социалистический Респуб-
 ликань Союзть аралама и, кода Рабоче-Крестьянский Якстерь Армиянь воинан,
 мон клянусь араламс сонь мужественна, маштозь, достоинства и честь мархта,
 аф ужальдемок эсь вяррозень и зряфозень врагть лангса полной победать са-
 томанц инкса“.



Тумоть ала Тувось

И. А. КРЫЛОВ

Пяк сире тумоть ала Тувось
 Ярхцась вельф топодемс серяда, мянь прась;
 Ярхцась, и топодемс сон удовсь;
 Тоса, келептезень сельмонзон, и стясь
 И тумоть юронц нярса карси.
 „Шуфтть юронц тяфта вредна карсемс,—
 Тумоть пряста корхтай Варсись:—
 Кда кореннзон штафцайть, коськомс может Тумось“.
 — „Катк коськи,—корхтай Тувось,—
 Сон йофси аш монь мяльсон.
 Сонь эзда парда пяк кржа мон няян:
 Йофсикс афоль уле, аф ужяль сон;
 Лишь улельхть серят, синь эздост пяк куян мон“.
 — „Эх, лемесюна“.—Тумось сондеезна азондсь.—
 Мзярда вяри кеподеволь нярьце,
 Тон няйлить эста вярьде,
 Што серятне нят, касыхть вдь монь призон“.

* *

Сокор шиса тяфта жа Невеждась
 Наукать и ученьять, кяжда.
 Ученай труттнень сялцы,
 Аф марясы, што пеконц мархтост анцы.

Мокшекс йотафтозе Г. Пьянзин





И. А. КРЫЛОВ

Ватракшь и Бкась

Лугаста Ватракшь нййзе Бкать,
И мялец арамс тейнза бкашка—
Сон пйак ни сельмонь кай ульсь—
Уфай эсь ронгонц, нльне лйакси сонць уфамста.
„Ватта, квакушка, улян ли сяшка?“
Сон корхтай ялганцты.— „Аш, кумушка, ламода аф
сяшкат!“

Ватта-жа, кода ронга келиста уфан.
Ну, кодаман?
Касонь ли хоть мон?— „Пцтай прокс стамкат“.
„Ну кода тяни?“—сяка стамкат.
Сон лйаксесь, лйаксесь
И аделазе затейницазе сяконь лангс,
Изъ каса, аныцек кассь уфамкс
Натугада лопаць и урадсь.

Мокшекс йотафтозе Г. Пьянзин.



И. А. КРЫЛОВ

Мартышкась и очкатне

Мартышкась сиредсь, пялес сокорста ни арась.
А ломаньцта куляня марясь,
Што бедась нинге йофси аф пях оцю тя:
Очканят добувамс, и машфтови шутя.
Сон котошка очка мяк эстейнза рамасть;
Очкатнень шарфнесыне всякайкс:
То прязонза люпштасыне, то пулозонза щафтсыне,
То ноласыне кяльса, то никсасыне:
Но толксна ашель сембе сяка.
Тьфу пропасть!—корхтай сон,—и сявок шава пря
Кие васькафнемат кулхцонкшни зря:
Очкатнень колга васькафнесть, мон няйса.
Синь ашесть ярашта и сямодонга тевс“
Мартышкась кяжденза и сембе вийса,
Синь станя цяподезень кевс,
Што аныцек паморькскасна лийсть.

Иотафтозе мокшекс А. Чекашкин.



И. А. КРЫЛОВ

Вирьгазсь и Катось

Вирьгазсь вирть эзда веленяти ардсь,
Аф инжикс, но пеконц эса ванфты:
Эсь кеденц инкса сон трнатсь:
Охотникт мельганза и гончайхть стая панцихть.
Сон радоль ба хоть васень ортать эзга эцемс.
Да ся вдь аньцек горясь,
Што сембе ортатне ульсть пякстафт.
Вов ваны монь вирьгаззе
Перяфть лангса ката ащи
И корхтай: „Васенька, монь ялганезят, азка сяда курок,
Кие тьса алясь сяда добрай,
Штоба кяшелемань кяжи вракнень эзда.
Тон марясак вдь пинень вайгяльть и страшной звуконц
Сюроть?
Нят сембе вдь монь мельган!—„Кизефтьк жа Степанть тон
сяда курок;
„Сон алясь вдь инь добрайсь“—ката Васькась корхтай.
— „Ся виде, да сонь боранонц мон повань“.
— „Ну, теряфтт, кизефтемс Демьянонь“.
— „Пелян, што вдь сонга лангозон пяк кяжи:
Мон салайне сонь каза версканц“
— „Архт ласьк жа сяда курок вон Трофимти“.

— „Трофимти“ Аф, сонь мархтонза мон васедемска пелян!
Сон лангозон тундакиге ни грозай верзонц инкса“!

— „Ну кальдяват жа! Но может кяштянза тонь Клим!“

— „Ох, Вася, мон печкине вдь соньге вазнянц!“

— „Мезь неян, кум! Тон марнек веленять ни обжайть!—
Вов Васькась азозе Вирьгазти.—

Коста тяста лезкс эсьтейть мумс можна

Минь аленьконь аф сяшкава уш йондост кржа,


Штоб эсь бедаснонды араляльхть ба тонь.

И права тонць эсь прячень мувороньди лувк:

Мезе видеть тон, сянь и нук“.

Йотафтозе мокшекс Г. Пьяизин.





И. А. КРЫЛОВ

Лебедсь, щукась и ракась

Мзярда ялга йоткса аш согласья,
Синь тевсна коданга аф туй
Аф тев сянь эзда лиси, а мука.
Фкя пингста Лебедсь, Ракась, Щукась
Синь марса уромсть ускомс усф.
Синь кильдевьсть колмонест фкя усфс;
Эсь кедтост лисемс ускихть, а усфсь фкя вастса!
Сталмось сяськомшка, но тяфта аф ускови тяста,
Кда лебедсь уски вярйти,
Ракась меки потай, а Щукась уски ляйти.
Судендамс аф тейнек, кинне видесь, кие виноватсь,
Но усфсь, мянь тячимс тозк илядсь.

Мокшекс йотафтозе Г. Пьянзин.

Синь казьфт високай наградаса

Школьной обучениань тевса и велень школатнень эса иттнень советский воспитаниясост выдающей успехонкса, учебнай работать отличнайста ладьяманц инкса и велеса общественной эряфть эса активной участиянка СССР-нь Верховнай Советть указонц коряс казьфт ССР-нь Союзонь ордена и медальса велень школань 4331 особо отличившай учительхть.

Тя почетнай лувксти сувсихть миньге, ингольдень отсталай, тяниень цветущай, радостнай и культурнай Мордовиянь народной лама учительхть. Синь аф азомшка пяк марьсазь эсь пряснон павазукс и оцю радостьса спасибохть ленинско-сталинский партияти, советский правительствати и лична эсьтейнза Великай и мудрай учительти, международнай пролетариатть вожденцты Иосиф Виссарионович Сталин ялгати, кона седи вакска заботай народной учительствовать колга. Коммунистический партиясь и лична Сталин

ялгась нийзь народной учитель трудонц иттнень коммунистический духса воспитаниясост и лувомок тянь оцю политический значениянц, заслугас коря советский правительствась наградил высокой наградаса.

Вов кепотьксонди сявсаськ Лопатинань средний школань учительницать (Торбеевань район) Дарья Акинфиевна Журавлева ялгать. Сон велень школаса работай вов ни 30 кизот. Сон ушедозе школьной работань эсь деятельностьенц революцияда инголе и афваномок работань стака морально-политический и материальной условиянень лангс Журавлева ялгась седикс ваймокс работась тя кельгома работасонза. 1908-це кизоня Тамбов ошса сдала экстернать и получасть велень учительницань звания, эста сонь работама питненц касфтозь 10 цалковайста 16 цалковайхть 60 трьошникс.

Тяни Дарья Акинфиевна Журавлева ялгась воспитандай социалистический велень—колхозниконь па



Д. А. Журавлева ялгась



В. В. Углов ялгась

вазу и радостнай итт. Сон корх-
тай, што мон 30 кизонь работазень
вельде тонафнень тьожятть идь,
конатнень йоткса улихть, и инже-
нерхт, и врачт, и учительхть, и агро-
нопт, и лейтенантт и стак тов.
Вов сембе тянкаса партиясь и прави-
тельствась лувозь монь работазень и
каземазь высокая наградаса—Лени-
нонь ордена исяда товодонь чест-
най и добросовестнай работазень
вельде оправдаю партиять, прави-
тельствать и советкяй народть дове-
рияснон.

Али вов сясваськ Василий Василь-
евич Углов ялгать, кона СССР-нь
Верховнай Советть указонц коряс
казьф „Трудовой красной знамянь“
ордена.

Кулемок тя радостнай кулять Ва-
сий Василийвичень кружазь ра-
ботас коря ялганза седивакскань
лямбе поздравленияса. Василий Ва-
сийевич Углов ялгать честьс
ВКП(б)-нь Ковылкинань райкомсь
и райисполкомсь пуроптсть митинг,
коса седивакска поздравляли высо-
кай наградаса каземанц.

28 кизот топодсь, кода ни сон
работай педагогическай работаса.
Сонь тяфта жа воспитанниконза
занцихть ответственной оцю долж-
ность.

Василий Васильевич Углов ялгась
тяни работай средняй школань ди-
ректорда башка, Ковылкинский Рай-
ОНО-ть заведующайнь временно
исполняющаень должностьса.

Вяре азф народной учительхне нят
ни сире ломатть и школьной работа-
снон ушедозь нинге революцияда
нголе.

А вов Татьяна Евдокимовна Кон-
кина ялгась, тя советскаяй школань
воспитанница. Сон аделазе Саран-
скаяй Мордовскаяй педагогическай
техникумть. Получамок советскаяй
школаста цебярь образования и оцю



Т. Е. Конкина ялгась

мяльса ушедсь эсь знаниязон ма-
ксома колхознай павазу и радост-
най иттнени. Сон нинге мзярда
тонафнесь педагогическай техни-
кумса, примсесь инь активнай уча-
стия студенческаяй общественнай ра-
ботаса и молемок вели, тяфта жа
школьной образцовай работада баш-
ка, сон кода активнай обществен-
ница, седикс ваймокс лездсь колхоз-
най строительствати и велеса пар-
тийно-советскаяй работати.

Сон вов ни 8 кизот работй Од
Пецера, Ковылкинань района. Тя
нюрхкяня пингста сон ладзя
образцовайста школаса работать,
пуроптсть вели комсомольскаяй ор-
ганизация, коса сон тянимс ащи
секретарькс, колхозникнень йоткса
йотафни СССР-ть внутреннай, и
международнай положенияй колга
беседат.

Лувомок сембе тя работать оцю
значениянц, СССР-нь Верховнай Со-
ветть указонц коряс Татьяна Евда-
кимовна казьф „Знак почета“ ор-
дена и надиятама, што павазу и
радостнай иттнень коммунистиче-
скаяй духса воспитандама тевса Та-
тьяна Евдокимовнась оправдает пар-
тиять и правительствать доверияс-
нон.





Эрясь ащесь светть лангса цьоране. Цьоранесь—кода цьоране. Сонь лемоц Саша, прозвищац ульсь Фитиль. Да сон видекус мялькс ульсь похожай фитильлангс: сон кувака тащей, пяк афскладнай. Сон фкакс ськамонза, кода толне лампань клянцек ала.

Кельгольхцень Фитильсь аньцек книгатнень, а книгатнень эздасембода пяк Финимор Куперон и Майн-Ридонь книгаснон. Сон пользовандакшнесь всякай оказияса сянь инкса аньцек, штоба лувомс книгат. А лувомасон маштсь коса повсь—кудса, школаса, трамвайнай площадкаса. Аньцек эрявсь тейнза панжемс книгась, кода сон афазомшка куток юксталхце сонь перфкя ащи обстановкать, и кода мяргат лийксталь сон прерияв (степи), эсь ялганзонды: кедень чулкати—олень грозати, равжа орелти... Тяфтама минутань пингста Фитильсь тиендсь инь стака путешествият и няфнесь храбростень чудесат разбойникнень каршес битватнень эса.

Мяльс коря Фитильсь ласьконкшнесь мустангтонга вишкста, комотнесь, кода кенгура, и куцендсь скалатнень (пантнень) ланга горнай туронь коряс аф сяда калдывста. Но сатомшка улэндсь Фитильти аньцек сьолгомс книгать,

и нолдамс модать лангс, кода храбрай лофтана шама братсь шарксталь инь сембедонга жалкай трусишкакс.

Степонь эряйсь, няймок, мзярдонга изь яксе кяпе, сянь инкса, штоба аф сьалгомс пильгонц. Сон изь ласьконде цьоранятнень мархта фкя-фкянь йотайса, изь комотнесь мархтост канава и ськямневельфке, сон пяк пельсь комотепачк пупорондаманц и тапамс шалхконц.

Фитильсь пельсь аф аньцек комотемада, но и ламода лияда, кепотьксонди: ведьта пельсь, сяс мес сон кельмя, шить эзда пельсь, мес сон пси, воздухть эзда—сяс мес сон свежай.

Яксель равжа орель ялгаць кизоста 365 шит лямбе шарфкаса, и фкакс сярядсь насморкса. Но ков Фитильсь сяда пяк кутондай шарфканц мархта, тов сяда пяк серядксты. Аляц и тядяц вятнезь эсь Фитилькаснон докторонди. Фкя докторсь сьормадсь тейнза каплят, но каплятне исть максас кодамовок лезкс. Обмоце докторсь мяргонць тиендемс горчичник, но горчичникне тяфта жа исть максесе кодамовок лезкс.

Фитильсь сяда пяк тащейгоць и тужалгоць. Стака азомс, кодама

состоянияс трусость пачфтелезе ба цьоранять, кда ба сонь пчкаф-томанцтыафоль кярьмоде квартирас коря суседоц—13 кизоса Вовать аляц.

Вовать аляц пчкафтомать уше-дозе прокс лиякс. Чистай кагод лист лангс сон рисовандась скалат и кафта томагавкат и йордась Фитильть койканц лангс съорма тяфтама содержанияса: „лофтана шама брат! Старейшинатне йоратедезь кочкамс тонь, Левть и Орлицать цьораснон, краснокожаень предводительскс. Кда тон согласнаят, то ванды, мзярда шить лученза, конат ляцихть шуфтонятнень туста тарадснон пачк, стяфттедезь тонь удома вастста, куцть сире тумоть пряс, тят щакшне мезевок прязт и колмоксть стукатть кяпя кочкярсот васенце моргть эзс“.

Сьормать эса подпизсь ульсь: „Равжа Орелть ялгац Вовинь Вапа“.

Фитильсь изь веронда эсь сельмонзонды. Кафксть сон лувозе сьормать. Да, станя и ащи. Эрязи аньцек колмоксть стукадемс моргти штада кочкярся, кода сон ни шарксты племянь предводительскс.

Фитильсь аф азомшка волнени-яса йотафтозе веть, и лишь валдашкадсь сон ни ульсь сире тумоть ала. Васень моргсь ульсь модать эзда 7 метрань серьса. Левть и Орлицать цьорасна ламоксть вельхневсь пелемань ливозьса моргти куцема смел шинц самода инголе. Видекс мялькс жа тяфтама чепуханкса аф атказамс жа племянь предводительскс улемать эзда! 11 частт 30 минутт ульсь времась, кода Фитильскс эсь эряфсонза васенцеда теряфтсь куцемс шуфта пряс. Сон пях мучендась, курякснесь тумоть эзга алу и сембе сяка изь макссе пря. Ровна шить пестонза, сон кскряф, но павазу, куцсь Фи-

тильсь, тейнза эрявикс моргть лангс. Тумоть ала ащесть дивандазь цьоранятне и мезевок исть шарьхкоде.



Но Фитильть испытаниянза тяконь лангс исть аделав. Илять сон получае омбоце сьормать: „лофтана шама брат,—сьормадсь Повин Вапа,—тон виде килангсат. Шобдава косья марлюксть эзда север шири молезь луфт 5 кенерьпакарь кувалмот и шуфт кафта метрань кувалмоса и кафта метрань келеса лотка: крхкалмоц улеза фкя метра четвертью и муят тон Равжа Орелть ширьде сьормане сяда товолдонь указания мархта“.

Фитильсь, лишь кенерьсь валдашкадомс, кярьмодсь лотконь шувом.—Шувомок кшникаймаса, сон конечно, ливоськодсь и савсь тейнза йордамс кргастонза лямбе шарфканц: Тоса сон каязе щамонц и ладязе шить пси лучанзон алу и

эше вармать каршес эсь тащей ко-
поренц. Тя пингова Фитильсь изь
думанда ни аф псилгодомать колга,
аф простудиндавать колга. Колма



шит сон шувсь лотка, сатозе тейнза
эрявикс крхкалмоть. Нилеце шине
сон мусь аф оцю коробкане, конань
потмоса съормане: „Олаф шама
брат,—лиссь эльбятькс. Равжа Ор-
ёлть указаниянц тон мусак аф тяс-
ат, а эшеляма вастса. Нолдак пря
ведьалу и вешентть корянтть алда
консервной банка. Тонь ялгаце
Повин Вапа“.

Фитильсь дасадада цють изь
аварьгада. „Цебярь азомс, яцек ведь-
алу: а кда тон аф маштат уема“!
Целай неделя Равжа Орелть храб-
рай ялгац якась цьоранятнень мар-
хта ляй лангу. Сон марса синь ма-
рхтоост ащекишнесь песокть лангса.
Ласькондсь берягть кувалмова, но
сувамс вести коданга изь йора. Ведсь

ингольцекс сафнесь эзонза па-
нической пелема.

Кафксоце шиста Вовань аляц
сась трусишкати лезксонь максом.
Сон кучсь тейнза букань кафта
уфапт, тяфтама съормане мархта:
„Лофтана шама брат, Равжа Орелсь
кучси тейть чудодейственной каф-
та уфапт, сонь вельденза шавф каф-
та бизонттнень эзда. Матт ня уфап-
нень лангс и тон кармат уема ло-
вкаста, вишкста. Тонь ялгаце Повин-
Вапа“.

Фитильсь аф азомшка оцю стал-
моса корхтазе эсь прынц вести эце-
ме и то аныцек сяс, што сонь кядь-
сонза ульсь настоящей бизононь
кафта уфапт. Васенда тонафнемась
молсь стакаста. Васенце шине аф
пьяконе копордась ведьтовок, омбо-
цеда—нилендсь ведьта кода эряви,
а колмоце шине сяшкава кельгозе
ведть, нльня мялеца ашель ли-
семс ведьста. Кафта неделяда меле
краснокожайхнень предводительсна
цебярьста кармась уема бизононь



уфамфтомовок, а нингековда меле
сон комотсь ведьалга уема, яцесь
корянтть алу и таргась тоста кон-
сервной банка съормане марх-

та: „Лофтана шама брат,—сьормадсь Повин Вапа,—Равжа Орелсь пях довольнай тонь сатфкснень мархта. Нинге кемонь кизот тяфтама эряф—и Левть и Орлицать цьорасна кармай улема степть эса инь виюсь. Привет тейть старейшинатнень эзда“!

Но Фитильти изь эряв учссемс кемонь кизот сянкса, штоба арамс прерияса инь виюкс. Главнайсь ульсь ни тиф—Фитильсь сяськозе пинень старостть, кона эрясь сонь эсонза, и лоткась шить, воздухть и ведть эзда пелема. Сон тяни апак пельхть кармась цьоранятнень мархта ласькондема фкя-фкянь йотайса, уендсь синь мархтост эшляма

вастса, налхконць волейболса. Кафта кизода меле сонь фитилень похожстонза изь ляда следга.

Тяфта фкя йолма трусишкань эзда кассь вию, ловкай и смелай ломань.

Сятненди, конатненди /тя историясь нйави йофксокс, минь можем азомс, што тя йофксть минь сьормадоськ „Динамо“ стадионцта мировой рекордсмень, штангс коря Советский Союзонь чемпионть Александр №.ть валста. Фамилиянц минь аф лемнесаськ азондыть аф мярьгоманц коряс.

Сем. Нариньяни.



Я. Пинясов.

Тейнек тага
Инжикс сась.
Панчфу шальса
Мази майсь.
Менельсь чистай—
Аф дуцяв,
Моразь лисеме
Ульцяв.
Кядьсонк канттама
Минь Флакт,
Галстуконьке
Мази макт.
Мороньке минь
Гайняй вишкста,
Кенярдьф маень
Васень шиста.

Шумбрат ялганьке
Минь майсь.
Лац тонь васьфтензе
Трудяйсь.
Лама сатфкста
Тевса сатфт,
Эряфоньке—
Панжи садсь.
Сталин ялгась—
Валда шись.
Тейнек оцю
Павазь тись,
Тейнза слава
И спасибо—
Вятьсамазь сон
Валда кига!



Е. Гусев.

Вирть трваса лугать щамоц—
Пиже парьхциень ковёр.
Тундань мази нармонь морхне
Гайфтезь кели тя просторть.
Всякай тюсьса панчфне касыхть.
Тяса ару, танцти кожфсь;
Кожфкясь шайнять сюдерясы,
Вирнять эзда марявсь жойф.
Пионерхне лиссть лугати. Лафту
Лангсост ульмот кандсть.
Вирнять крайса ляй трвати—
Офтамарьксне макокс панчсть.
Йордазь ульмоснон синь ляйти,
Дугакс ульмя нетькссна мяндевсть,
Вов ни калнясь мольсь сукскяти,
Поплывокне шерьхкихть—няйвсть.



М. Капков.

Нинге пиндолдсь сиякс расась,
Нинге пажаркс зарясь палсь...
Вирнять крайста паксять лангса
Тракторсь жирнай модать шарфтсь.
Кожфкясь—арунаясь вирьняста
Паксяв каннесь нармонь морхт,
Чефксонь морхнень йоткса гайняйхть.
Кеме сталинскый моторхт!—
Морай стахановец Гаразсь,
Сокай паксять трактористсь,
Васень вастонь заняйкс арась.
Танга кепотькс няфтикс лиссь.
Модась равчкадсь, равчкадсь гаса.
Вельхксонза изь чиворд сокась,
Цебярь мяльса ванонць сокафть
Ингольцекс изь куфце сокайсь!
Зарясь паломада лоткась,
Шинять цятконза ни лиссть,
Тага гайнясь паксять келес
Мороц Гаразь трактористть.

СЕСТРАЗЕ

Шинек венек
Панжи монь страназе.
Касан панжан
Мархтонза и мон.
— Конашка тонь
Павазце сестразе—
Тундань панчфокс
Бта касат тон!
Ванан лангозот,
Сельмонятне налхкихть,
Кода калнят
Кизонь мани веть.
Вию шицень
Тяфта тейнь няфтихть,
Улят героиня!..
Азса виденц тейть.
Каст, тонафнеме
Школав, мля, молят.
Налхксек, налхксек,
НалхксеMATне—пархт,

Кульса мази чофкске
Бта морат.
Морак лацкас,
Тязонга тон сафтка.
Курок молят
Бабацти тон вели,
Эряфсь велесовок цебярь—
Эрямс лад!
Морак, налхксек,
Инголь кице кели.
Фкакс сон панжи
Кода тундань сад!
Музыкант улят тон,
Али лётчик,
Инженер али поэтесса,
Аль советская меткай
Пулемётчик,
Шавондома кармат,
вракнень эса!

1939 кизоня.

Я. Линясов



Ульсь июньскый цебярь ши. Шить цильфоц золотань шавакс люкась Мокша ляйтть эса и йомла волнанятне фкя-фкянь мельцек лапиясть берягста шуварняти, конат салава кашторфтозь разнай тюсьса мелкай кевнятнень и ракакуднятнень.

Кизонь каникулста ваймай шабатне ащесть ведть крайса. Синь вежливай ванфса ванцть афкунара сери плотинаса прудяф Мокшеть кели и ару веденц лангс.

— Мяляфтсак, Федя?

— Мезе?—варжамок Колькать лангс пшкядьсь Федясь и учсь ответ.

— Мяляфтсак кодама интереснай азкст лувсь учительницаньке Глафира Ефимовнась Челюскинецнень колга?—Интереснайхть вдь?

Федясь согласиндазь яфодезе прянц и варжакстсь венчть лангс, кона ащесь сотфста берягти и саворне люкась ведть лангса.

Колясь няемок Федять согласиндаманц, таргась шуварть эзда акша кевня, кепозезень сяда вяри трусанзон,яцесь ведти и оцю букваса тяштсь венчть бокс „Челюскин“.

— А кие капитанкс ули?—кизефтезя Настясь Колькать.

— Кинь кочкасаськ, ся и ули,—отвечась Колькась и варжась ялганзон лангс.

— „Тевсь кочксеви, но вдь аш эйхть. „Челюскинец“ мольсь эйхнень йоткова и люпштазь эйхне.

—А минь аф люпштафцаськ эйхнень кяшта, сон кондясти тундатынге, мзярда шадось кармай уйфтема эйхть, минь тутатама эень разведкас—отвечась Мишати, конань мельге шабатне мярьгсть, што аф эхярь тапавомс якайхть минь ледоколоньке и аф аньцек эйхнень пингова, а океанга, и моряванга:

Аф ламос сембе ащесть апак корхтак. Синь думондазь варчсесть то ведть волнанзон лангс, то венчти то аф оцю острофкяти, конань аф кунара занязе ведсь и эшлякшнесыне кальнянзон. Синь кажнайсь арьсесь сянь колга, мезе нинге эряви „Челюскинти“.

— Нинге труба эряви, штоба молель качам, кода и видекс „Челюскинтъ“, эса.

— Мон муян, Коля,—отвечась Федясь.

— Мезе и коста?

— Баняньконь ваксса ули жес-

тень ташта печканьке, сонь ули турбацка.

— А аляце аф сюцетянза?—кизеф-тезе Колясь.

— Аф, сон аф кондясти, а тейнек самай вастоц,—отвечась Федясь тусь баняснон шири и куроқта кандозе печкать.

— Вов, вастоц, шабат—кенярдезь пшкядсь Колясь и кармась путо-монза веньчти.

— Федя, а тонь мархтот пине-цевок—Лешкясь сась,—азозя, Настясь и кармась вадеряма пинеть акша, кувака понанянц.

— А мон изине нйй. Сон удось банять инголя шужарьнятнень лангса.

— Федя, катк кармай улема тейнек, акша офтокс,—Настясь кенярдезь пшкядсь.—Вдь челюскинец-ненгя ульсь акша офтсна?

— Виде, Настя. Сонь пяк похожац офтонь шири, анцек пиленза цюткя оцюфт, но тя аф беда. Оцю пиле офтсь пади сяда лама кули—лацсемок трубаць, корхтась Колькась.

Аф лама минутада меле сембе ульсь анок. Венчть нярьса ли-бордсь флагть вастс Настять як-стерь руцяняц, топканди и трубан-ди сотнефоль ташта печкась, офто-нянди озафоль Лешкясь, но мольсь арьсемась кинь путомс капитанкс.

— Кие сянь инкса, штоба улель капитанкс Колясь?—пшкядсь Фе-дясь, конань мельге сембе вехса ша-батне кода фкя кеподезь кядьснон колять инкса, аньцек Колясь эсь скромностенц ингса исце кеподя кя-денц.

— Ну ялгат!—пшкядсь Колясь, а сембе учть сонь приказонц.—Васень рейсть эзда минь тутама ветенек:—Федясь, мон, Настясь, Мишась и Васькась.—Кивок обжаф аф ули?

— Аф минь омбоцеда молемаць эзда мольхтяма,—пшкядсть иля-дыксне и кармасть юкссема омбоце венчть.—Кда эряви, минь тейнтъ лезкс макстама

— Ялгат! а уйема сембе машт-тада?

— Да, Колька, лама яксяргта ведсь вайсесь?

— Кода шукась пели ведьта стане и минь—кулевсь шабатнень корхтамасна.

— Но тинь вдь аф яксяргтада или шукатада,—корхтай Колькась.

— А минь шись и ведсь кель-гома ялганьке, тянь тонцкя содасак.

— Ся хоть виде.—убежденнайста пшкядсь Колькась и озась вень-чти, а сонь мельганза озасть ниле ялганзовок.

— Ну, туме, —и Колькась яфодсь вёслатнень эса, конань меле веньчсь, кода локсти, тусь пиндолды ваномакс ащи ведть эзга уезь, а мельгаст ялгасна яфиязь кядьснон.

Эрь минутане сембе сяда тов туше-ндсть берягть эзда. Трубаць эзга качамсь лисенць кода видекс паро-ходонь трубава и тьождя варманясь салсезе сонь просторти. Аф лама минутада меле кулевсь всяла ме-лодияса морсна:

„...Челюскинецт минь ульхтяма,
Волнать каршеска тюрхтяма.
Кда вачкоди войнась—

Мин аф эйфцамазь волнас“...

Мзярда кармасть пачкодема куч-кати, синь нййсть венчть потмоста ведь.

— Мезе тиевься тяфта? Аньцек коськоняль и вов ведь ни?

— Косонга улема почкодьф? Пшкядсь Колясь и максозень вес-латнень Федяти. Мзярда сон варжа-кстсь, то няевсь щель куване ведсь шавсь бта родникста. Шарфтка ост-ровкять шири, веньчсь лазф,—ма-ксь Колясь команда, а сонць кун-

дазень кафцьке вёслаунень и кармасть панема. Веньчсь мольсь, но няевсь, кода озась алу, островкять малас пачкодемс, кармасть няевома аныцек крайнянза. Лия ашель мезе тиёмс. Кода комотемс вести и

нюкссезь тусь кальнятынень йоткова и мес бди куроқта увазевсь — Лешы!—Лешы!—тернезе Федясь, но Лешсь изь са, аныцек налхкфтозе пулонянц и ванць вяри. — Сон тага мезевок мусь,—



уемс остравкяти. Федясь сявозе веньчть пикськанц, комотсь вести, Уйсь островкяти, кундась кальнятенди и ускозя веньчть, штоба тьяльхце сала вишкста шуди вастти.

— Ну, экипажсь вантф!—Сембе спокойна, йотксонк аш фкявок пели. Лешкяськя цебярьста машты уймз.—Няить, кода мельгат уйсь?—корхтась Федяти Колясь и сотозе веньчть пикськанц кальюрс.

— Няемок тя тревогать, берягть крайста спасательнай экипажсь куроқ срхкась вастстонза и вишкста уйсь островкять шири, либорьфтезе варманясь синь якстерь флагнасьнон и няевсь кядень яфиемасна.

Шинянь каршеса косьфнезь трусаснон, каричневай теласнон. —Лешкяськя нолсезе эсь понанянц,—

пшкядсь Настясь и тусь пинеть мелге. Сон лац няезе, кода ару родниконянь вельксса туста кальнянь прясa нармоннясь нарвась лефкськат и Лешсь аф токамок синь, ванць лангозост.

Няемок шабатнень, нармоннясь лийкстась, но тага сияк озась аф ичкизьде кальнянь пряс. Йомла Челюскинецне варжакстсь алнятынень лангс и кармасть родниконянь ароптома, коста веднясь вяри комотсь бта сиянь. Сон ульсь кельмя.

— Няйсасть, ялгат!—Минь эряфсонк сембе вастса муят козя ши. Вов родниконянь ароптоськ, куроқ кармай работама меленцясь, сяда озай ведсь тя островкясь лиси сяда малав: содасасть кода кондясти тя эшинясь?—убедительнайста корхтась Колясь ялганзонды.

— Да, а сяда пях кизонь пси шитнень эзда. Бта мороженайда ярхцайхть яжафтыхне, — сембонь лемста отвечась Федясь и кеподезе вяри флагнать.

Вов сась островкяти спасательнай группась. Радостнай шабатне, кода фкя, кизефтезь островстотнень:

— Ну, шумбратада, ялгат!

— Кевдонга тазатама и нинге сяда тазат карматама улема, — отвечась челюскинецне?.

— Туме, ялгат! — Тя островсь ули минь. Эшинять лангса минь сяф-тяма шефства, — корхтась Колясь. Озасть сембе и Юрась яфодезень вёслатнень, конань меле синь тусть уезь берягти. Мельгаст уйсь „Челюскин“ веньчна, коса озаманять лангс озафоль Лешкясь и важнайста ванць инголи.

— Кда кастама оцюста, минь карматама аф тяфтама сурбряшка островкат открывать, а целай островт. — Да вдь ялгат! Колясь аделазе валонц.

— Да! — кода фкя пшкядьсть Колять кизефтеманц каршес.

— Кда кастама, то минь карматама уендема морява, океанга и



аф тяфтама калада веньчса, а стальса бронированной оцю пароходса. Минь карматама пшкотькшнema партиять и правительствовать инь пях важнай заданияснон, — маладомок Мокша ляйть омбоце берякозонза Колясь увереннайста аделазе корхтаманц.



В. Волков

Петянь геройствац

Менельть эзга уйсть дудят,
Кода акша ватат.
Кинять эзга Петя мольсь,
Шамац палы фатакс.
Тяфта школаста сон сай
Тонафнемда меле...
Якшамсь эсонза кундай,
Но иднясь аф пели.
Фатсесь сонне уле шарфс.
Видя сиянь лешафт...
Фтала поезд вишкста ардсь,
И ки кадомс веши.
Петя ваны: рельсась туф
Малость керъжи бокти,
Вармась кундсесь поездть мяштсь,
Лии апак лотксек.
Эста эрек пионерсь,
Кргастонза галстукть
Кэподезе и изь пель,


Тяфтане сигнал няфтсь.
Оржа сельме машинистсь
Нязе сонь законц,
Эста курук тормоз тись,
Панчсь гудоконь клапанть.
Вишкста пешкодсь паровозсь,
Петянь малас лоткась:
Сон юватькшнесь коза повсь
Седиц вишкста тотнась.
Мярьгат, ласьки афи сонць,
Корхтамац сонь сиде:
Пассажирский поездть сон
Тяфтания прянц идесь!
Кафта шида меле макссть
Теенза награда.
Петянь коряс эй! иднят
Сембе ровнандада!

1939 г.



1 АВГУСТА 1939г.
В МОСКВЕ ОТКРЫВАЕТСЯ
ВСЕСОЮЗНАЯ
СЕЛЬСКОХОЗЯЙСТВЕННАЯ ВЫСТАВКА—
ВСЕНАРОДНЫЙ СМОТР ПОБЕД
СОЦИАЛИСТИЧЕСКОГО ЗЕМЛЕДЕЛИЯ





Чикина Рая

Опытнай переса

Саранка ляннать трваса ули полога бугорня, кона алу пандонят ащи шинь стяма шири.

Ваномок ширьде тя бугорнать лангс, васендакиге повихть сельминголет всякай растениянь панчфкат, и невольна арсезеват, мярьгат, тя бугорнать лангоц паннеф всякай краскаса архтф котфоньпанк-скаса. А мзярда молят сяда малав, то нйиви, што марнек бугорнать лангоц керьсеф кафтасятта лама башка йолма дялянкаява, конат-нень лангс касыхть всякай культурань растеният.

Тя, идень Мордовский Центральнай технический станцият юнай натуралистонь и техникань опытнай перец.

Тейне арам, пионерхненди содафни, што юнай натуралисттне нят стама жа пионерхт и ученикт, ко-

нат опытнай агрономонь руководства ала касфнихть всякай культурат.

Вов тяфта тясовок. Тя опытнай переса натуралисттне и техникне, синь тожа пионерхт, и тонафнихть Саранскийнень различной школава. И эрь шиня, аныцек аделасазь школьной занятияснон, обедаихть и сайхть опытнай пери эсь дялянкаснон варжама. Синь сашендыхть пцтай эрь шиня, сяс мес кажнай натуралистсь и техникс съорматкшнесыне сонь мельганза кемокстаф дялянкаса касы растениятнень мельга якамаса эсь наблюдениянзон, и синь инксоств канды персональной ответственность.

Опытнай переса работай натуралисттнень мяльсна сатомс тяддень кизоня инь оцю урожай и тьяконь мархта сатомс Всесюзной сельско-



Перунков Володя

Хозяйственной выставкеса участвон-
дамань прават, коза мяльсна мо-
лемс тяддень кизонь урожайста
саявф экспонат мархта.

Башка натуралисттне тяниень
пингть якайхть 9—15 сорт культу-
рань мельге. Синь мяльсна содамс,
кодама жа сорт культурась максы
сяда оцю урожай.

Вов кепотьксонди саявсаськ Еро-
феев Колять, конань мельгя кемок-
стаф 8 сортт пинем и 6 сортт яч-
мень. Сембе вийнь путозь и оцю
мяльса Колясь якай ня культурат-
нень мельгя. Сон пяк кельксы на-
туралистонь тевть. И кода няеви,
сонь видефонза касыхть пяк цебарь-
ста.

Колясь эсь мельганза кемокстаф
культуратненди тяниен пингть
йотафни различной подкормка
сянь инкса, штоба сатомс оцю уро-
жай. Сяда башка эряви азомс, што
Ерофеев Колясь вяти оцю урожа-
йнь сатомать инкса соцсоревнова-
ния Перунков натуралистть марх-
та. Перунков натуралистсь тяфта жа
воспитывает всякай странань 5 сорт-
са ячмень

А Перетякинть мельге кемок-
стаф 5 сорта ячмень и 2 сортт



снав, конат тяникигя няфнихть це-
бярь урожайнь результатт.

Вов касы тозерсь. Сон, кода мярь-
гат, пойма вастонь шяй. Сонь лан-
гозонза ваномок, нльня мялезтка
лад. Тя тьозерть мельге якайкс
кемокстаф лама натуралистт, конат-
нень эзда кажнайсь йотафни эсь
участканц лангса различной под-
кормка

Вов Комратова Клавдиясь. Сон
касфни 6 сортонь тозер. Клавдиясь
седикс ваймокс якай ня культурат-
нень мельге и мялец изучить башка
кажнайть и содамс кона культу-
рась минь условиясонк сяда келис-
та можна применять, и кона куль-
турась минь условиясонк максы
сядя оцю урожай.

Вов Чикина Женясь. Сон нату-
ралистический работать лувондсы
инь семебода кельговикс тевкс.
Сон тядде сясь эсь лангозонза
обязательства касфтомс 7 сор-



Понамарева Дина

тонь растений. Тяка пингова инь
оцю мяль шарфни „Кудряш“ иля-
назь мельге якамаса. Пцтай эрь
шиня якамок тя культурать мельге,
Чикина Женясь йорасы содамс,
кодама урожай максы минь усло-
виясонк „Кудряш“ иляназь.

Опытнай переса тяниень пингть
инь интереснайкс лувондовихть од
технический культуратне

Тройцкая Олясь касфты Соя. Сон
жа касфты 7 сортонь модамарьхть.
Олять сестрац—Тройцкая Раясь
якай оцю мялень шарфтозь куку-
рузонь и нута культурань мельге.

Сембе юнай натуралисттне 1939-це
кизонь сёксенда максыхть Все-
союзной сельско-хозяйственной
выставкань выставочнай комитету
заявленият выставкаса участиянь
примать колга. Синь мяльсна,




Тройцкая Олясь

модемс выставкав 1939-це кизонь
урожайста саяф экспонат мархта.
Чикина Раясь макссь выставочнай
комитету заявление выставкаса
участиянь правань вешемать кол-
га. Чикина Раясь якай фасоль куль-
тура мельге вов 3-це кизось ни.
Сон 1937-це кизоне эсь участкас-
тонза, гектарса лувозь, получась
32 центнерхт, а 1938-це кизоне,
аф ваномок засухать и кяльдяв кли-
матическяй условиятнень лангс,
получась 32,5 центнерхт гектарста.
Чикина Раясь тядевок якай фа-

соль культурань мельге. Сон касф-
ты 6 сортонь фасоль.

Мордовияса шабатненди эряви
азомс, што натуралистическяй
работась лувондови инь пяк инте-
реснай и завлекательнай работакс.
Сяда башка эряви азомс, што тя
работась максы пяк оцю лезкс
колхознендивок, социалистическяй
паксятнень лангса урожайть касф-
томанцты.

ЦДТС-нь юнай натуралистонь
лабораториять заведующайц агра-
ном—Григорьев.



ТОНАДОМС ПРАВИЛЬНАЙСТА УЕМА

Пионерхнень и школьникнень кизонь досугсост эшелякшнемась занци инь оцю васта. Пионерхне и школьникне аныцек кенерихть сргоземс кизонь нюрхкяня вень танцти удомаста и ялгань келеса туйхть лаяй лангу.

Комотемок ару и свежай ведти, синь срадыхть ляйть келес уема, кие кода машты. Тоса пуромихть марс и ушедыхть коллективна налхксема: валондыхть фкя-фкянь лангс ведьса, нолдайхть пря ведьалу и ваныхть кие сяда ламос кирьди ведть ала, али брызгазь кеподихть вяри волнат, конатнень лангс шить лучензон эзда тиевихть атяменгт.

Сембе тя пяк цебярь. И сядонга цебярь кармай уема, кда пионерхне и школьникне кармайхть тонафнема правильнайста уема. Тяконь йоткова, эряви азомс, што уемань оцю техникафтома тяни аш кода сатомс рекорднай результатт и аш кода арамс якстерь армиянь цебярь боецокс.

Уемань искусстваса арьсеф лама стильда. Сембе синь станя али лиякс пшакотькшнесазь азф проблематнень. Но инь вишкста уемань стилькс лувондови Кроль—стильсь, конань вельде ладяфт вишкста уемас коря мировой сембе рекорттне.

Американецне йотай столетияста тонадозь тя стильть, наймок полез-

най ширенц, синь усовершенствовондазь сонь и тяни Кроль стильсь кармась йотафневома эряфс сембе вастова. Кроль стильть вельде уендихть и 25 тьожянь метрань кувалмос и 50 тьожятть метрань кувалмос. Кроль стильса уемста можна вишкптемс скорость 6,5 километрас части.


Шабатне, конат маштыхть примитивнай способса уема, тейст пяк курукста можна тонадомс Кроль стильть, аныцек тянди лацкас нежедемс и шарфтомс сатомшка мяль. Тя тевсь эряви мольтфтемс аф сразу, а постепенна.

Кроль стильса уемста пилькне эрхнемс станя, штоба фкя-фкянь эзда дяльхть келемкшне 30 сантиметрада ламонь келеса, кочкеретне аф эрявихть лифнемс пяк лангу.

Кроль стильса уемста кяттне налхкихть инь оцю роль, ибо кяттне уити ашихть главной двигательнай вийкс. Кяттне уемста фкя-фкянь мельге тиендихть гребокт. Сурхне уемста прдавихть пякстофста ряцок, кода мярьгат, тиевихть карьхкянякс и нолявихть лафтуда инголи ведти, коза синь сатыхть.

Эста мзярда пилькне и кяттне тонадсазь тактна эрхнемать, эста можна кярьмодемс правильнайста ваймонь таргсема тонафнемати. Кроль стильса уемста шамась дол-

жен модем сельме ширьке виде-
ва ведьса, и мзярда кяттне тиихть
тифтень гребок, эста шамась шарф-
тови фкя кодама нибудь боку,



и кургса эряви тиёмс кувакаста
ваймонь таргама.

Кроль стильть сембе правиланзон
тонадомок, пяк оцю мяль эряви
шарфтомс ляй берякста, али трамп-
линста комотемать шири. Аф пра-
вильнайста комотемста можна син-
демс казф, али позвоночной столбть.
Тянь инкса и вести комотемась

эряви тиёмс станя, кода няфтьф 4-це
№ рисункаса.

Тонадомок Кроль стильть уликс
правиланзон, эшелямста можна йотаф-
немс фсякай налхксемат и уемась
максы оцю развития кода пильгонь
мускулатнendi, а станя жа и кядень
мускулатнendi.

Уема правильнайста маштомась
ащи аф аныцек эшляма пингонь раз-
вличениякс, а сон кирни оцю обо-
роннай значениевок.

■ Сяфтяма кепотьксонди тяфтама
факт. Хасан озерать ваксса собы-
тиятнень лятфтамок, стякшни яркай
картина. Минь доблестнай Дальнево-
сточниконь целай частть полнай по-
ходнай снаряженияса уендезь меке-
васу озерать сянь инкса, штоба гро-
миндамс пляс пине самурайхнень.
Связисттне уйсть телефоннай про-
волоконь киренкс мархта, снайпер-
хне—винтовка и граната мархта, са-
нитархне уезь йотафнезь эсь ланг-
сост ранендафнень тылу.

Замечательнай кепотькс няфтьс
ГТО-нь 2-це ступенень значкисть,
пограничник Медведев ялгась, тани
сон награжденнай Ленинонь орден-
ца. Японский захватчикне кружась
Медведев ялгать шайхнень потмос,
сон гранатаса сязезе окружениять,
ранендафста пачкодсь берякти и
комотсь вести. Медведевть лангс
кармасть ляцендема пулеметса. Мед-
ведевсь изь эвоть. Сон уйсь пяк
вишкста, тоса тусь ведь алга уема.
20 метрань кувалмоса уемода меле
лиссь лангу и танга кяшсь ведьалу
и уйсь мянь эсь частезонза.

Вов нйисасть шабат маштозь уе-
мась кодама оцю значения кирни
обороннай тевса.

Тянь инкса эряви лацкас тонаф-
немс уема сянь коряс, штоба эря-
викс минутаста максомс кеме от-
пор вракнendi и ведьса, и воздух
са и сушса.



Я. Пинясов.

СЕМБЕ МАЗИ

Тундась пиже
Майканц шазе,
Тага инжикс
Тейнек сась.
И лугатькя наряжазе,—
Бта панчфонь
Пизем прась.
Молят саду,
Садскя панжи,
Сембе мази—
Эряфсь—рай.
Ванат мешськя
Медня канды,
Танцти медня
Сон прдай.

А минь мольхтям
Курок тага
Лагерсь, пиже
Панттнень пряс.
Кстынят вештям
Лугать ланга,
Тейнек кенярди
Вирьясь.
А мзярда
Лисихть тяшттне
Пуроптама
Сембе марс.
Радостсь кяли
Одонь мяштти—
Няйви пиндолдозь
Тол марсь.





1. ПУШКА



2. ЗВЕЗДА



3. ЭШИ



4. АРТИЛЛЕРИЯ



5. ПУЛЕМЕТН. ГНЕЗДО



6. КОЛБАСА



7. РАК



8. ТРВАС



9. АЭРОПЛАН



10. СЕРМА

НАЛХКСЕДА ГОРОДОКСА

Шабатне пях кельксазь городокса налхксемаснон. Тя налхксемась пях цебярь. Сон развивает глазомерчень, меткость и вийть. Аф стак городокса цебярьста налхкихне отличнайста йорясазь ручной гранаттень и лях меткайста ляцендихть винтовкаса.

Городокса налхкомаса соревновандайхненди физкультурань Всесоюзной комитетсь утвердил 10 фигурат. Сембе ня фигуратне тьяся няфтьфт.

Вярьде сявомок алу модемс порядкань номерс коря эрявихть стяфнемс налхкомста.

Кемонце фигурась „сьорма“, кона ляцендеви целай конца. Васендакиге эряви ляцемс сьормань „печатсь“. Лиякс мярьгомс ляцемс кунчкаса ащи городоксь сянь коряс, штоба аф токамс лиягородок.

Организовандада эсь отрядсонт городошниконь командат. Йотафнеда городокса налхкомань соревнованият школаттень, отрядтень и звенаттень мархта

Партниха нармонть колга

Тя нармонць аф аныцек стай: сон станя жа сонць сюретьке тонгсы. Аш сонь аф салмоксоц, аф швейнай машинац, аш сонь васеньпееленза. Сембе сонь инструментонза—нярец и лапканза. Варжакстт рисункать лангс и тон шарьхкодьсак, мезе тии нармоннесь. Сон шуфтть пряса кочкай кафта таза лопат и петьфасыне



синь крайснон. Пяленди няренц мархта варянят, а тоса таркси сюрет. Тя сюреть пальнесы сонць пушинкаста, сязеньтьф понаста. Стаф лопатнень эзда тиеви, кода мярьгат, кагодонь фунтик. Тя кизонь помещенияц. А потмоти партнихась тии пухста и понаста ляпе и пяк прочнай пизоня.

Партниха нармонць эрай Индияса. Тейнза станяк и мяргихть партниха, а кувака пулонц инкса—кувака пула партниха.

Пизоня сельгста.

Пизьгатать (ласточка) тон содасак, сонь пизонц тожа содасак. А можна ли ярхцамс пизьгатань пизода? Оказывается, ярхцсихть. Минь пизьгатаньконь пизоц модань, шарьхкодеви, што аф сивсак.

Индийский океанца, Зондский острофнень эса эрай салангана пизьгатась. Сон тии пиза сельгстонза. Саланганать сельгоц клейкай и туста, кона клейай клейда цебярста. Нармоннесь якафцы нярьнянц скалать эзга и ноляй сельгонц. Таргави педиполоска, а тоса кельми; тиеви сельгонь валик. Нармоннесь якафцы нерьянц валикть ланга—валиксь касы и касы. Вов тяфта касы и пизонясь. Ков сяда топоцта эрай саланганась, тов сонь сяда лама сельгтонза, тов сяда куроцста сон тии пизоня.

Вов тяфтама пизода, конат сельгонь, и ярхцсихть.



Школьный акробатический кружокненди лезксонди (13—15 кизостоннетненди)

Партернай акробатикась минь па-
вазу од ломаненьконди арси инь
кельговиксонди. Сон спортонь стама
вид, кона аф веши лама затрудне-
нийт, но кона максы лама эластич-
ность, тиенди смел ши, равновесия
и лия положительнай качестват.

Партернай акробатикань кружок-
са может улемс 3 ломаньцта сяво-
мок 20 ломаньц модемс. Кру-
жоксь явондови группав, коза сув-
сихть 2—5 ломатть. Группать ули
кода касфтомс ваномок сянь лангс,
кодама пирамида сон кармай тиен-
дема.

Алува минь няфттяма пирамидат,
конатнень ули кода тиемс 2—5 ло-
маненди.

Партернай акробатикань форма-
нди эрявихть трусикт, кочкяряфто-
ма тапочкати шапочка, а штоба афо-
льхть ливоськада кяттне, мярьгон-
деви нарнемс синь магнизияса.

Партернай акробатикань йота-
фтомс принадлежностенди обязатель-
на эряви ацамс алу коверхт, конат
должетт улемс чистайхть.

Аф эряви тиендемс акробатичес-
кый номерхт пулю помещенияса, то-
са коса температурась 14 градусда
кржа и 16 градусда лама лямбе.

1-це пирамидась. (Тийсазь 3 ломатть).

Васенцесь мады кунтф, мянцыне
каленаста пильгонзон. Омбоцесь ко-
поренц лангс нежеди васенцеть кале-
нанзон лангс, а пильгонзон—васен-
цеть лафтус. Колмоцесь кундамок

омбоцеть кядензонды максы толчок
и тии стойка синь лангсост.



2-це пирамидась (Ащи 3 ломаньцта).

Кунтф матфста васенцесь кеподь-
сыне пильгонзон, омбоцесь копоренц
нежетьсы васенцеть пильгонзонды.
Колмоцесь матфть пря ширеда
кундасыне нежетьфть кядензон и
тии синь лангсост стойка.



3-це пирамидась. (Тийсазь колмонест).

Мадомок кунтф, кафтне токафт-сазь пряснон, кядьснон кундасазь фкя-фкянь мархта. Пильгснон кеподьсазь вярй и токафтсазь марс, конатнень лангс фкя ширеста тий стойка колмоцесь.



4-це пирамидась. (Колма ломаненди).

Карань-каршек 2 ащикне кеподьсазь (фкясь види, омбоцесь кержи) кядьснон. Мекольцесь кеподьфкятнень лангс комотезь тий стойка.



5-це пирамидась. (Тийсазь 4 ломатть).


Васенцесь тий полуприсяд и сяссы омбоцеть каркста, конац стяй васенцеть каленанзон лангс сян ингса, штоба фигурась улель сяда устойчивай. Колмоцесь копорь пяде стяй калена лангстоть алу и кядензон нежетьсыне омбоцеть лапатканзонды. Нилецесь стяй васенцеть каленанзон лангс, кундасыне омбоцеть кядензон и шатяй сонь лафтувозонза. А сяда меле тий стойка.



6-це пирамидась (Тийсазь ниленест).


Кафтне стяйхть карань каршек, фкясь яржи пильгонц лангса омоцесь види пильгонц лангса тийхть выпад. Колмоцесь, лафтузост нежедезь, стяй каленаснон лангс. Нилецесь стяй васенце кафтнень каленаснон лангс. Кундай колмоцеть

кядьс. Шяттай сонь лафтузонза, ся-
да меле тии стойка.



7-це пирамидась. (4 ломаненди.)

Фкясь мады и пильгонзон кеподь-
сыне вярй. Омбоцесь копоренц не-
жедьсы васенцеть кядензон лангс
и сонцень кядензон кепотьсыне
вярй. Колмоцесь мады васенцеть
пильгонзон лангс и макссыне кяден-
зон омбоцети. (Тяфта тийхть устой-
чивай положения). Мекольцесь тии
стойка васенцеть и омбоцеть кядь-
снон лангс.



8-це пирамидась. (Тийсазь 5 ломатть).

Мадомок копоренц лангс, фкясь
кеподьсыне пильгонзон и кядензон
вярй. Омбоцесь копорьсонза неже-
ди алудоть кядензон лангс, кепо-
дьсыне кядензон вярй. Колмоцесь
мады кунтф васенцеть пильгонзон
и омбоцеть кядензон лангс, и, кода



васенцесь „кеподьсыне пильгонзон-
кядензон вярй. Ляды кафттне тийхть
стойкат: фкясь колмоцеть пильгон-
зон лангс, омбоцесь кядензон лангс.
Ня пирамидатнень тиёмс ломанень
лувкссь ули кода касфтомс, сянъ
коряс мзяра эряви пирамидати ло-
маньда.

Купер.





Форматпод **ЯКСТЕРЬ ГАЛСТУК**

Пионеронь и школьниконь журналть ланге. Жур-
 нальть поддайиза: ВЛКСМ-нь Мордовскийя обкомь
 и МАССР-нь НКП-сь. Журналь лисенди ковти
 весть. Подпискать примосезазь сембе письмоно-
 сецне, почтовой отделенияне.

Питнец: 1 кизос	2 и 40 гр.
6 кове	1 и 20 гр.
3 кове	— 60 гр.

Редакциять адресон:
 Саранск, Советская, Дом печати.